



## ADMINISTRACIÓN LOCAL

### MUNICIPAL

#### FERROL

##### Facenda e Patrimonio

*Aprobación definitiva ordenanza número 2 reguladora da prestación patrimonial de carácter público non tributaria da rede de sumidoiros*

##### EDICTO

O Pleno do Concello de Ferrol, en sesión celebrada o día 27.06.2024, aprobou definitivamente a modificación da Ordenanza fiscal número 2 reguladora da Prestación patrimonial de carácter público non tributario da rede de sumidoiros, polo que, aos efectos do establecido no artigo 17.4 do RDL 2/2004, de 5 de marzo, polo que se aproba o texto refundido da Lei reguladora das facendas locais, faise público o acordo de aprobación definitiva entrando en vigor cando transcorra o prazo de 15 días establecido no artigo 65.2 da Lei 7/1985 de 2 de abril, reguladora de base de réxime local e permanecerá en vigor ata a súa modificación ou derogación expresa.

Contra o anterior acordo, elevado a definitivo, e de conformidade co previsto no artigo 46.1 da Lei 29/1998, de 13 de xullo, reguladora da xurisdición contencioso-administrativa, os interesados poderán interpoñer recurso contencioso-administrativo no prazo de dous meses, contados a partir do día seguinte ao da publicación do presente anuncio no Boletín Oficial da Provincia. Así mesmo poderán interpoñer calquera outro recurso que estimen procedente. O texto íntegro da ordenanza é o seguinte:

##### **Ordenanza número 2 reguladora da prestación patrimonial de carácter público non tributaria da rede de sumidoiros**

##### **Artigo 1.- Fundamento e natureza**

En uso das facultades contidas polos artigos 133.2 e 142 da Constitución, o artigo 84.1 da Lei 7/1985, de 2 de abril, Reguladora das Bases do Réxime Local, e de conformidade co disposto no artigo 20.6 en relación cos artigos 15 a 19 do Texto Refundido da Lei Reguladora das Facendas Locais aprobado polo Real Decreto Lexislativo 2/2004, de 5 de marzo, e a disposición adicional primeira da Lei 58/2003, de 17 de decembro, Xeral Tributaria, ten o carácter de prestación patrimonial non tributaria os ingresos que derivan dos servizos da rede de sumidoiros.

##### **Artigo 2.- Nacemento da obriga de abono**

a) Actividade técnica e administrativa tendente a verificar se se dan as condicións necesarias para autorizar a acomedida a rede de sumidoiros municipal.

b) A prestación dos servizos das redes de sumidoiros para a evacuación de augas pluviais, negrase residuais. A prestación dese servizo é de recepción obrigatoria.

##### **Artigo 3.-Obrigatoriedade de evacuación á rede de sumidoiros**

EMAFESA procederá á evacuación das augas negras, residuais e pluviais, e no seu caso a súa futura depuración, con carácter obrigatorio para tódolos inmobles do termo municipal de Ferrol que teñan fachada as rúas, prazas ou vías públicas en que exista rede de sumidoiros, sempre que a distancia entre a rede e a finca non exceda de quince metros e non sexa necesaria unha ampliación previa da rede de saneamento a xuízo dos servizos técnicos.

##### **Artigo 4.- Obrigados ao pagamento**

Teñen a condición de beneficiados dos servizos, as persoas físicas e xurídicas, así coma as comunidades de bens e demais entidades que carentes de personalidade xurídica constituán unha unidade económica ou patrimonio separado que soliciten, resulten beneficiadas ou afectadas pola prestación do servizo. En todo caso, o obrigado ao pagamento ante esta Administración serán os propietarios dos bens inmobles, aos que lles corresponde o resto das obrigas formais inherentes ao servizo, sen prexuízo da súa facultade de repetir contra o beneficiario do servizo, nos termos do ordenamento xurídico.

##### **Artigo 5.- Responsables**

a) Responderán solidariamente das obrigas de pagamento as persoas físicas e xurídicas e as entidades referidas no apartado anterior, e na proporción na súa respectiva participación nas vivendas e locais. Igualmente, serán responsables solidariamente as que sucedan por calquera concepto na titularidade ou exercicio de explotacións ou actividades económicas, pola débeda contraída do anterior titular e derivada do seu exercicio.

b) Serán responsables subsidiarios os administradores de sociedades e os síndicos, interventores ou liquidadores de quebras, concursos, sociedades e entidades en xeral, que cesaran nas súas actividades, polas débedas devindicadas e que se atopen pendentes no momento do cesamento.

#### Artigo 6: Tarifa pola acometida á rede xeral

O importe da tarifa resulta de multiplicar 28,54 euros polo número de vivendas e locais comerciais, industriais e profesionais radicados no inmovible.

#### Artigo 7: Tarifa pola prestación patrimonial de carácter público non tributaria derivada darede de sumidoiros.

A tarifa virá determinada pola cota de servizo establecida en cada caso máis a cota de consumo.

##### 7.1.) Tarifas por actividades.

A cota de consumo será o produto do volume de auga consumida por contador expresada en metros cúbicos multiplicado polo prezo por metro cúbico correspondente ao grupo de actividade de que se trate:

| TIPO DE TARIFA      | Cota servizo<br>€/mes | Bloque |                                     | Cota consumo<br>€/m <sup>3</sup> |
|---------------------|-----------------------|--------|-------------------------------------|----------------------------------|
| INDUSTRIAL 1        | 64,46                 | B1     | Todos los consumos                  | 0,2659                           |
| INDUSTRIAL 2        | 25,82                 | B1     | Todos los consumos                  | 0,2659                           |
| INDUSTRIAL 3        | 16,14                 | B1     | Todos los consumos                  | 0,2659                           |
|                     |                       | B1     | de 1 a 5 m <sup>3</sup> /bimestre   | 0,1574                           |
|                     |                       | B2     | de 6 a 10 m <sup>3</sup> /bimestre  | 0,1748                           |
|                     |                       | B3     | de 11 a 15 m <sup>3</sup> /bimestre | 0,1943                           |
|                     |                       | B4     | de 16 a 20 m <sup>3</sup> /bimestre | 0,2045                           |
| COMERCIAL           | 3,91                  | B5     | de 21 a 25 m <sup>3</sup> /bimestre | 0,2672                           |
|                     |                       | B6     | de 26 a 35 m <sup>3</sup> /bimestre | 0,3492                           |
|                     |                       | B7     | de 36 a 45 m <sup>3</sup> /bimestre | 0,4563                           |
|                     |                       | B8     | de 46 a 55 m <sup>3</sup> /bimestre | 0,5963                           |
|                     |                       | B9     | de 56 a 70 m <sup>3</sup> /bimestre | 0,7792                           |
|                     |                       | B10    | más de 70 m <sup>3</sup> /bimestre  | 1,0183                           |
|                     |                       | B1     | de 1 a 5 m <sup>3</sup> /bimestre   | 0,1574                           |
|                     |                       | B2     | de 6 a 10 m <sup>3</sup> /bimestre  | 0,1748                           |
|                     |                       | B3     | de 11 a 15 m <sup>3</sup> /bimestre | 0,1943                           |
|                     |                       | B4     | de 16 a 20 m <sup>3</sup> /bimestre | 0,2045                           |
| DOMÉSTICA           | 2,23                  | B5     | de 21 a 25 m <sup>3</sup> /bimestre | 0,2672                           |
|                     |                       | B6     | de 26 a 35 m <sup>3</sup> /bimestre | 0,3492                           |
|                     |                       | B7     | de 36 a 45 m <sup>3</sup> /bimestre | 0,4563                           |
|                     |                       | B8     | de 46 a 55 m <sup>3</sup> /bimestre | 0,5963                           |
|                     |                       | B9     | de 56 a 70 m <sup>3</sup> /bimestre | 0,7792                           |
|                     |                       | B10    | más de 70 m <sup>3</sup> /bimestre  | 1,0183                           |
| OBRAS EDIFICIOS     | 64,46                 | B1     | Todos los consumos                  | 0,2659                           |
| OBRAS UNIFAMILIARES | 16,14                 | B1     | Todos los consumos                  | 0,2659                           |
| SIN ACTIVIDADE      | 7,89                  |        |                                     |                                  |

No suposto de que non se poda practicar tal medición, liquidarase segundo se estipula para o consumo de auga potable. Para a descrición e contido o dos conceptos tarifarios, será de aplicación a ordenanza reguladora da prestación patrimonial de carácter público non tributaria polo subministro de auga potable.

##### 7.2.) Redución de tarifas

7.2.a. Beneficiarios en situación de exclusión social comunicados pola Xunta de Galicia:

Ás persoas obrigadas ao pagamento e que se atopen en situación de exclusión social, conforme ao Decreto 136/2012 de 31 de maio da CCAA de Galicia que aproba o Regulamento do canon da auga e do coeficiente de vertido a sistemas

públicos de depuración de augas residuais, artigos 25 e 26, aplicaráselles unha redución de tarifa consonte ao seguinte cadro:

| Tarifa cotaservizo | Tarifa cota consumo          |
|--------------------|------------------------------|
| 85%                | 0€ para os tramos B1,B2 e B3 |

A aplicación desta tarifa realizarase bimestralmente á vista das resolucións administrativas ditadas pola Consellería da Xunta de Galicia competente na materia que, ou ben sexan achegadas polos interesados, ou ben sexan notificadas directamente por parte da Administración Autonómica.

#### Artigo 8: Prestación de outros servizos específicos.

|   |               |
|---|---------------|
| Desatascos de acometida de saneamento                     | 99,17 €/hora  |
| Desatascos de acometida de saneamento fora de zona urbana | 148,76 €/hora |
| Baleirado de fosas sépticas e pozos negros                | 132,23 €/hora |

A prestación de outros servizos indirectos, distintos dos descritos, realizarase por EMAFESA unha vez aceptado o orzamento previo correspondente ós gastos de persoal e material investido. Rematados os traballos, os usuarios que solicitaran os servizos procederán ó pagamento dos mesmos.

#### Artigo 9: Obriga de aboamento

- a) Cota de acometida: Nace a obriga de aboamento cando se inicie a actividade que constitúe o seu feito imponible, entendéndose iniciada esta:
  - Dende a data de emisión do orzamento de liquidación previo por instalación de acometida, se o suxeito pasivo o formulase expresamente.
  - Dende que teña lugar a instalación efectiva da acometida á rede de sumidoiros municipal no caso de que o propietario do inmovible non a solicitara previamente. Todo elo sen prexuízo da iniciación do expediente administrativo que poida instruírse para a súa autorización.
- b) Servizo de sumidoiro: Ten carácter periódico. O período obxecto de liquidación coincide co ano natural, agás os supostos de inicio ou cese na súa prestación, nos que o período impositivo será o seguinte:
  - Nos supostos de inicio, desde o día que teña lugar ata o 31 de decembro. O dito inicio verá determinado pola acometida á rede.
  - Nos supostos de baixa, desde o 1 de xaneiro ata que se produza a baixa. Toda vez o carácter de servizo obrigatorio, a baixa verá xustificada por causas que determinen imposibilidade do servizo.

A obriga de aboamento pola dita prestación patrimonial de carácter público non tributaria corresponde ao primeiro día do período obxecto de liquidación.

#### Artigo 10: Declaración, liquidación e ingreso

Esta prestación patrimonial xestiónase mediante padrón, quedando suxeitas as altas e as baixas a autoliquidación.

- a) A alta no padrón poderase producir de forma voluntaria, ou mediante resolución administrativa, atendendo ao carácter de recepción obrigatorio que corresponde ao dito servizo.
- b) A prestación patrimonial de carácter público non tributaria pola acometida xestionarase como autoliquidación.

#### DISPOSICIÓN FINAL

A presente ordenanza entrará en vigor, unha vez producida a súa publicación no BOP, e cando transcorra o prazo de 15 días establecido no artigo 62.2 da Lei 7/1985, e permanecerá en vigor ata a súa modificación ou derogación expresa."

Ferrol, 19 de xullo de 2024

A concelleira delegada de Facenda, Patrimonio, RRHH e Estatística por acordo da Xunta de Goberno de 11/12/2023 (BOP nº 241 do 20/12/2023)

Susana María Sanjurjo Fraga

2024/5253